

PAULO LIWAKATETIGI EFEESIOTEDI

Nigotaga Éfeso aniboonaḡategemadaḡa leegodi aca niwigo nelegi anodita Diana, codaa me niḡica liḡeladi naḡaca niwigo anodita Diana aneite niḡica oko modoḡeteta. Eliodi oko dinigaanyetece owidi dinyeelo leegodi moyaa niwicidi liciagi naḡajo niwigo nelegi. Paulo idiaaḡi nigotaga Éfeso ja domaḡa itoatadiḡida nicaaḡape me yatematited-ibece nibodicetedi anele aneetece Cristo, codaa me diiḡaxinaḡatece lotaḡa Aneotedoḡoji. (Aw-INITELOCO Atos 19,20; Apocalipse 2). Niḡidiaaḡidi neḡepaa naḡa oxiiḡodi João, odaa jaḡalatiticogi midiaa liḡeladi, odaa ja yaxawa loiigi Cristo neḡepaa icota midiaa lemaḡadi.

Paulo idi naḡadi liwakate me ikee Aneotedoḡoji me lowoḡo me yatecoḡotee inoatawece aninoa ditibigimedi codaa me niḡinoa aninoa digoina iḡo, odaa Cristo jeḡepaa iḡe inoatawece aninoa. Paulo aḡaḡa yalaḡata Aneotedoḡoji aneotedoḡodomi Jesus naḡa yeleo codaa naḡa yewiḡatace. Paulo dipokoteloco loiigi Cristo ane liḡeladi Éfeso, eledi yalakatiditiogi niḡica anodaḡee lewiḡa niḡijo jotigide, codaa ikeetiogi niḡica gela anodaḡee me newiḡa. Aḡaḡa yalaḡata me diniciamico lodoe Aneotedoḡoji judeutedi inaḡina ane daḡa judeutedi, codaa yatemati anodaḡee libakedi miditaḡa ane daḡa judeutedi. Paulo iciaceeketege niḡina oko anonakato Goniotaḡodi niḡina ḡodolaadi

anowidi liwailidi, pida idiokidi godolaadi. Eledi yalaḡata ica gela anejinaḡa me ḡodewiḡa leeḡodi me ḡodexogoteḡe Cristo. Eledi najoitiniwace niḡina wadonadi, eniododipi inaa nionigipi, codaa me niotagipi inaa otagododi. Owidijegi liḡaxinaganeḡegi Paulo baḡa iciaceeketeḡe lowoodi niodaḡawadi romaanotedi niḡicoa Aneotedoḡoji anaḡaḡa najigotedoḡowa me ḡonajoli me ḡodatamaḡateeteteḡe Godaxakawa, diaabo.

Paulo me didikotibige me yecoeditibige loiigi Aneotedoḡoji digoida nigotaḡa Éfeso

¹ Ee Paulo, ee liḡexegi Jesus Cristo, leeḡodi Aneotedoḡoji yemaa me idiḡe, jidi naḡadi iwakate notaganaḡaxi, jidikotibige lapo oko Aneotedoḡoji ane iomaḡaditedice mepaa nepilidi ane liḡeladi nigotaḡa Éfeso, anidioka limedi monakato Jesus Cristo, codaa moyexogote. ² Jipokotalo Aneotedoḡoji ane Godiodi codaa me Goniotagodi Jesus midioka limedi mowo aneletaḡadomitiwaji, codaa mowo mele ḡadaaleḡenali.

Ica ḡobiniigi ane najigotedoḡowa Aneotedoḡoji leeḡodi me ḡodexogoteḡe Cristo

³ Joḡeḡatalo Aneotedoḡoji ane Eliodi Goniotagodi Jesus Cristo, codaa me Noenoḡodi. Joḡeḡatalo leeḡodi mowidi anele ane najigotedoḡowa leeḡodi me ḡodexogoteḡe Cristo. Niḡinoa anele icogotedibigimece ditibigimedi me yaxawa ḡodiwigo. ⁴ Aniḡicatibige Aneotedoḡoji daḡa yoe niḡina iḡo, naḡa ḡodixipeteditice eotedibige me ḡodexogoteḡe Cristo codaa

eotedibige moko nepilidi iniokiniwateda Aneotedoꝓoji, codaa me digicata ɣobatiigi. ⁵ Leegodi Aneotedoꝓoji me ɣodemaa, odaa ja lowoogo meote moko lionigipi leegodi niɣijo aneotedoꝓodomi Jesus Cristo. Odaa jiɣidaagee, niɣijo Aneotedoꝓoji negeote niɣijo ane lowogotedoꝓodici, ninitedibece leegodi epaa yemaa meote. ⁶ Joɣeeɣatalo Aneotedoꝓoji aneliodi meletedoꝓodomi. Niɣica aneletoꝓodomi ane najigotedoꝓowa caticedi me liciagi ane jowooga. Leegodi meliodi meletedoꝓodomi, odaa ja najigotedoꝓowa me ɣonoɣeedi, ɣodewiɣa gela, leegodi me ɣodexogotege niɣijoa Lionigi lemaanigi.

⁷ Leegodi Cristo yeleo me nadooꝓodi lawodi leegotedi ɣobeyacegeco, odaa Aneotedoꝓoji dibatetege niɣijo aneote Cristo micataɣa daga loojedi ɣonaalewe, odaa aɣaleeɣoko laagetedipi leegotedi ɣobeyacegeco. Pida Aneotedoꝓoji yakadi me ixomagateetedice ɣobeyacegeco leegodi idioka limedi meliodi meletedoꝓodomi, codaa aɣica daga dinetetedoꝓodomi. ⁸⁻⁹ Leegodi meliodi meletedoꝓodomi, odaa ja najigotedoꝓowa ɣodixaketedi, codaa meliodi ɣodowoɣotakaneegegi eotedibige me jowoogotagetece niɣijo ane nikeetedoꝓowa, ane lowoogo meote. Niɣida ane nikeetedoꝓowa, niɣijo eledi oko niɣijo jotigide aɣoyowoꝓodi ane diitigi, oyaɣaditema. Aneotedoꝓoji ibake Cristo meote ane yemaa me loenatagi. ¹⁰ Digawini ane lowoogo Aneotedoꝓoji. Nigicota niɣica noko ane nibikota, odaa ja yajigote Cristo loniciwaga me iige inoatawece aneite ditibigimedi codaa

aneitedinigi iigo, odaa jegeote me ilagatiwage.

¹¹ Aneotedoꝑoji akaa lowoogo niꝑijo jotigide, meote inoatawece niꝑinoa anepaa yemaa meote. Niꝑijo negeote lowoogo, odaa ja ɣodixipetedice me jibaꝑatege ane icoꝑotibigimece miniwataꝑa owidi niꝑicoa anele leegodi me ɣodexogotege Cristo. ¹² Jiꝑidaa aneote Aneotedoꝑoji eotedibige modoꝑetetalu, aneliodi me datale, leegodi oko anoko judeutedi niꝑijo jotigide naꝑa inibeonaꝑatege lanokegi Cristo. Joꝑokomogoko odoejegipi ane inibeonaꝑatege lanokegi.

¹³ Codaa akaamitiwaji ane daꝑakaami judeutedi, jaꝑanakatoni Cristo, niꝑidiaaꝑidi naꝑajipaata natematigo anewi, nibodicetedi anele anoditece niꝑica anodaagee Cristo me yakadi meote oko midioka limedi me newiꝑa miniwataꝑa Aneotedoꝑoji. Codaa niꝑidiaaꝑidi naꝑanakatoni Cristo, odaa Aneotedoꝑoji ja yajigotedaꝑawatiwaji Liwigo. Liwigo Aneotedoꝑoji liciagi bikotaxete ane ikee me ɣadexocitege Cristo. Odaa Liwigo Aneotedoꝑoji eote manibeonitege Cristo. ¹⁴ Liwigo Aneotedoꝑoji ane itogoloco nikeetogowa mowidi anele ane jibaꝑatege miniwataꝑa ane ligegi me yajigote loiigi. Liwigo Aneotedoꝑoji jiꝑidaagee me nikeetogowa niꝑepaaꝑicota noko niꝑica Aneotedoꝑoji nige najigotedogowa ijoatawece niꝑijoa ane ligegi me najigotedogowa. Niꝑica noko okotawece joꝑeeꝑatibigimece Aneotedoꝑoji aneliodi me datale, codaa me loniciwegaeni.

Paulo yotaꝑaneꝑe Aneotedoꝑoji dipokoteloco Efesiotedi

15-16 Niŋijo maleeka jajipatibece moy-alagatibigaŋajitiwaji meliodi manakatoni Goniotagodi Jesus, codaa memaani inatawece eledi anonakato Goniotagodi, odaa anigica daŋa jamatini me iniotagodetalo Aneotedoŋoji leeŋodi inoatawece aneote makaamitaŋatiwaji. Idioka limedi me jipokotaŋalocotiwaji niŋina me jotaganeeŋe Aneotedoŋoji. ¹⁷ Iniaaŋiniwa Noenoŋodi Goniotagodi Jesus Cristo, codaa me Eliodi ane daŋaxa me datale. Jipokotalo me yajigotedaŋawa Liwigo meote ŋadixaketedi, codaa me ikeetaŋawa anodaageeteda Aneotedoŋoji, amaleeŋaga daŋaxatacice mowoŋoti. ¹⁸ Jipokotalo Aneotedoŋoji me yajigotedaŋawatiwaji ŋadowoŋotakaneeŋeco, macataŋa lokokena, amaleeŋaga owoŋoti niŋica ŋonaŋajegi anicota me najigotedoŋowa leeŋodi meniditedoŋowa moko nepilidi. Eledi jipokotalo me yajigotedaŋawa ŋadowoŋotakaneeŋegi amaleeŋaga owoŋotitiwaji niŋica ane yajigotediogi inatawece loigi, ane lionigipi. Niŋica ane yajigotediogi micoataŋa niŋinoa liicaŋajetecidi anowidi, codaa me daŋaxa mele. ¹⁹ Eledi jipokotalo Aneotedoŋoji meote mowoŋoti niŋida loniciwaŋa ane daŋaxa me nelegi. Niŋida nelegi loniciwaŋa joaniŋidaa ibake catiwedi ŋodaaleŋena ane jinakatonaga, me ŋodaxawa mepaanaga jinakatonaga. ²⁰ Aneotedoŋoji ibake niŋida loniciwaŋa niŋijo neŋeote Cristo me yewigatace niŋijo me yeleo, naga yadeegitedibigimece ditibigimedi, codaa neŋeote Cristo me nicotedini liwai libaaŋadi digoida ditibigimedi me ikee Cristo mida naŋatetigi.

21 Aneotedoꝓoji eote Cristo me daꝓaxa me ɣonegegi caticedi niꝓinoa niwicidi abeyacaꝓaꝓa ane niɣenatakanaꝓa, codaa me caticedi niꝓinoa aninoa naꝓatetico, caticedi aninoa loniciwegeco, codaa niꝓina ane iniotagodeegatiogi. Cristo ida loniciwaꝓatedeloco inoatawece ane leegitibigimece liboonaaꝓatedi digoina iɣo codaa mida loniciwaꝓatedeloco niꝓica eledi iɣo Aneotedoꝓoji anicota me yoe. 22 Aneotedoꝓoji yajigote Cristo loniciwaꝓatedeloco inatawece nelogododipi. Iniaaꝓiniwa Aneotedoꝓoji eote Cristo me lacilo inoatawece aninoa eotedibige me yaxawa loiigi anepoka nebiteda. 23 Niꝓica loiigi ane nebi micataꝓa daꝓa lolaadi Cristo, oada aꝓica ananiaditibige, liciagi inoatawece ane liidaꝓatajedi Aneotedoꝓoji aꝓica ananiaditibige, iꝓataꝓa iniwa Cristo inoatawece ane nipodaꝓa.

2

Godewiꝓatace leegodi naꝓa ɣodexogotege Cristo

1 Niꝓiꝓo jotigide ɣadiciagitiwaji émaꝓaꝓa, codaa leegitalo Aneotedoꝓoji motonitedice, leegodi me daꝓa iwaꝓatiteda codaa leegodi ɣadoenataka ane beyagi. 2 Niꝓiꝓoa nokododi niꝓica anenitiwaji me ɣadewiki liciagi anodaagee niꝓiꝓo oko anida aneetege niꝓina iɣo, codaa me iwitibece niꝓiꝓo lacilo niꝓinoa niwicidi abeyacaꝓaꝓa anida loniciwaꝓa me niɣenatakanaꝓa niꝓina iɣo, ane iɣe laalegenali niꝓina oko ane doꝓoyiwaꝓaditeda Aneotedoꝓoji. 3 Niꝓiꝓo jotigide okotawece idejinaꝓa digo mijotaꝓa niꝓiꝓo oko, digo anee niꝓiꝓo oko ane yewiꝓatema idokida mowo niꝓica

ane yemaa lolaadi. Jaogate okanicodaagica ane yemaa godolaadi meote, codaaeledi jaogate okanicodaagica ane godiige godowooko ane beyagi me jaoga. Odaa joanigidaa Aneotedogoji me yelatedogodomi leegodi gobeyacegeco, anigotediogi me yelatetema ijotawece nigijo oko anidioka limedi mowote ane beyagi.

⁴ Pida Aneotedogoji eliodi me godiwikode, codaa eliodi me godemaa, caticedi okanico-daagicaeledi oko ane godemaa. ⁵ Joanigidaa leegodi nigijo malee godiciagi oko baanaga yeleo leegotedi gobeyacegeco, odaa nigidiaagidi Aneotedogoji ja godexocagaditetege Cristo, odaa jegeote me gela godewiga. Aneotedogoji eote me gela godewiga leegodi meliodi meletedogodomi. ⁶ Aneotedogoji yewikatiditace Cristo, odaa leegodi me godexogotege Cristo, odaa ja gela godewiga, midioka limedi me godewiga miniwataga. Odaa icota me godiwenigide godawanagaditetege Cristo digoida ditibigimedi. ⁷ Joanigidaa aneote Aneotedogoji eotedibige midioka limedi me yakadi me ikee meliodi meletedogodomi caticedi ane jowooga, codaa midioka limedi meote aneletogodomi leegodi Jesus Cristo ane yoetedogodomi. ⁸ Leegodi Aneotedogoji meliodi meletedogodomi, odaa jegeote me gela godewiga leegodi me jinakatonaga Cristo. Agotaga jakataga me jinakatonaga daga jibakenaga okomaga godoniciwaga, pida Aneotedogoji godaxawa me jinakatonaga Cristo, micataga daga gonogeeditalo gotiwaगतakanegegi. ⁹ Aneotedogoji agodaxawa me jinakatonaga Cristo daga leegodi me jaoga

godoenataka anele, doitedibige digica ane yakadi me dinagaxaketibece. ¹⁰ Igaataga Aneotedofoji micataga daga gela me godoetace niŋijo naga godexocagaditetege Jesus Cristo, eotedibige me jakataga me jaoga godoenataka anele anakaa lowoogo Aneotedofoji meote, codaa me yoetedini.

Aneotedofoji eote mokotawece oko dinoiigiwepodi leegodi me godexogotege Cristo

¹¹ Niŋida makaamitiwaji agadanikadi miditaga noiigi judeutedi. Odaa niŋinoa judeutedi etiŋadadalitigi me “Niŋijo ane daga dinakagiditibigiwaji”. Niŋinoa judeutedi joaniŋinaaŋina boŋoyakagidi lolaadi moiŋee niŋidiaaŋidi niŋica jotigide loiigi Aneotedofoji, odaa dinanatigi me, “Niŋina oko ane idinakagitaga.” Enice analakitibigetiwaji anodaageni niŋijo jotigide. ¹² Niŋijo jotigide aŋica aŋanimawenegegi manibeoonitibigege Cristo, Niŋijoa anenagi meote mida gela godewiŋa. Micataga daŋakaamitiwaji iomaŋaga, igaataga aŋica anenitege jotigide loiigi Aneotedofoji, loiigi Israel. Aneotedofoji adinilakidetedaŋagitiwaji aliciagi me dinilakidetetege niŋijo loiigi meetediogi midioka limedi miniwa miditaga. Biŋinaaŋoniteloco niŋina iigo, pida aŋica daŋakati manibeoonitege Aneotedofoji me gaŋaxawani, igaataga leegitalo motonitedice, codaa aŋaNoenogoditetiwaji. ¹³ Niŋijo jotigide leegitalo Aneotedofoji motonitedice. Pida natigide leegodi naga gaŋdexocitege Jesus Cristo, odaa Aneotedofoji jegeote mipecitegetiwaji. Codaa Aneotedofoji yakadi meote niŋida aneote leegodi Cristo me

yeleo codaa me nadoogoditedagalocotiwaji lawodi. ¹⁴⁻¹⁵ Igaataga ijaagijoa Cristo eote mokotawece oko dinoiigiwepodi, ane judeutedi, inaagina ane daga judeutedi, okotawece oko dinokaagetewamigi. Niigijo naga yeletedeloco nicenaganagate, micataga daga yanikatedi baloote ane iomagaditege judeutedi nigina ane daga judeutedi ane dinaxakawamigipi niigijo jotigide. Naga yeleo, eotedibige me dagadiaa leeditibige daga jotetenaga najoinaganegeco codaa me nakataga ane iditedini Moisés mejogota lodoe Aneotedogoji. Joaniigidaa Aneotedogoji aneote, eotedibige ane judeutedi inaagina ane daga judeutedi miditawece micataga daga dinoiigiwepodi, nigidi gela noiigi ane yexogotege Aneotedogoji, odaa jigidaa naga ilagatiwage. ¹⁶ Niigijo Cristo naga yeletedeloco nicenaganagate, eotedibige Aneotedogoji me dagadiaa laxakawepodi judeutedi inaagina ane daga judeutedi leegotedi libeyacegeco. Codaa natigide leegodi moyexogotege Cristo, odaa nigidi iniwata noiigi jegeote me micataga midiokiditiwage dinoiigiwepodi, micataga daga onidateci lolaadi, odaa agaleegica daga dinelatiwage. ¹⁷ Cristo enagi nigina iigo, odaa ja yatematitedibece ica anodaaagigote Aneotedogoji niginoa libeyacegeco nigina oko me dagadiaa dakapetetege. Yatematitedagawatiwaji ane dagakaami judeutedi, ane leegitalo motonitedice Aneotedogoji, codaa yatematitediogi judeutedi anodipegitege Aneotedogoji leegodi jotigide nigidi me loiigi. ¹⁸ Odaa leegodi me yeleo Cristo, Aneotedogoji Liwigo anokinitece godadeegi

okotawece, judeutedi inaaqina ane daqa judeutedi, ja qodadeegita lodoe Aneotedoqoji ane Godiodi.

¹⁹ Enice akaamitiwaji ane daqakaami judeutedi agaleegakaami iomigigipi, oteqexaagaga awaligeqegipi. Pida jaqakaamitiwaji nigeladimigipi awanitege noiigi ane iomaqaditedice Aneotedoqoji mepaa nebi, anida aneetege loigiwepodi Aneotedoqoji. ²⁰ Niqida makaamitiwaji qadiciagi micataqa nibaloote diimigi Aneotedoqoji ane yoe. Niqijoa liqexedi Aneotedoqoji ijaaqijo anoyeloqoditedibece lowooko Aneotedoqoji niqijo jotigide, joaniqidiaaqidi micataqa daqa lipodaqaladi diimigi, odaq Jesus Cristo baanaqa iniaaqiniwa niqica lipodaqaladi diimigi ane daqaxa mida jaqa. ²¹ Odaq Cristo liciagi niqina diimigi lipodaqaladi anele moyojogotini, joaniqidaa leeqodi niqina diimigi me datiteti, codaa idoatawece liwailidi dinoxoco. Niqini diimigi Aneotedoqoji ane doletibige me igodi, niqini diimigi icota me ilaqatini. Odaq Aneotedoqoji ja digeladetedigi. Niqini diimigi yexogotege Goniotagodi, lipodaqaladi ane daqaxa mida ane jaqa. ²² Leeqoditiwaji me qadexocitege Cristo, aagaga qadiciagi niqinoa lanodi diimigi, anele me dinoxoco, odaq Aneotedoqoji jiqidiaa liqeladi, igaataga Liwigo Aneotedoqoji jiqidiaa liqeladi makaamitaqatiwaji.

3

Ica libakedi Paulo me yaxawatiogi ane daqa judeutedi

¹ Leegodi Aneotedoꝑoji me yatecoꝑo judeutedi inaagina ane daꝑa judeutedi, ee Paulo, niꝑina me jotaꝑanege Aneotedoꝑoji jipokotaꝑalocotiwaji. Ite ee digoina niwilogoꝑaxi leegodi me jibatema Jesus Cristo me ꝑadaxawanitiwaji ane daꝑakaami judeutedi. ² Ajawienataka naꝑajipaatibecetiwaji Aneotedoꝑoji me najigotediwa ibakedi me ꝑadaxawani akaamitawece ane daꝑakaami judeutedi, leegodi meliodi meletedaꝑadomi. ³ Niꝑijo Aneotedoꝑoji naga najigotediwa niꝑida ibakedi, odaa ja nikeetediwa eote me jowoꝑodi niꝑica ane yemaa meote, niꝑicoa lowooko ane diꝑica doꝑoyowoꝑodi niꝑijo jotigide, me lowoꝑo me dibatediogi niꝑijo ane daꝑa judeutedi. Ja jidikotiꝑagaꝑi onateciꝑiꝑoa yotaꝑa niꝑijo me jeloꝑoditedaꝑawa niꝑiꝑoa lowooko Aneotedoꝑoji. ⁴ Niꝑalomeꝑenitelocotiwaji niꝑiꝑoa yotaꝑa, odaa joꝑowoꝑoti digo aneꝑi me jowoꝑodi ane nikeetediwa Aneotedoꝑoji aneetece Cristo. ⁵ Niꝑijo jotigide Aneotedoꝑoji aikeetediogi niꝑijo oko niꝑica ane yemaa meote niꝑijo naga niwakatee Cristo. Piꝑa natigide Liwiꝑo Aneotedoꝑoji ja ikee ane leegodi me niꝑe Cristo. Odaa ja ikeetediogi niꝑiꝑoa liꝑexedi ane iomaꝑaditedicoace miniokiniwateda modibatema, codaa aꝑaꝑa ikeetediogi niꝑijo anoyeloꝑoditedibece lowooko. ⁶ Joaniꝑidaaꝑee ane ikee. Niꝑina niꝑodibatege niꝑodicatedi anele ane iꝑoꝑotediꝑi miniwataꝑa Aneotedoꝑoji, niꝑina ane daꝑa judeutedi awatege niꝑiꝑoa judeutedi modibatege niꝑicoa anele anicota Aneotedoꝑoji me yaꝑiꝑotediogi lioniꝑi. Odaa

niginoa judeutedi inaagina ane daḡa judeutedi anodibatege niginoa nibodicetedi ilaḡatiwage micoataḡa niginoa liwailidi ḡodolaadi me yexoḡatiwage mowote onidateci ḡodolaadi. Odaa Aneotedoḡoji eote aneletema inatawece leeḡodi ligegi me yajigotediogi lionigipi, leeḡodi moyexoḡotege Cristo.

⁷ Aneotedoḡoji najigotediwa ibakedi me ee liotagi me jeloḡoditedibece nibodicetedi anele ane icoḡotedigi miniwataḡa. Ibake loniciwaga nelegi niḡijo naga najigotediwa ixakedi me jeloḡoditedibece nibodicetedi anele. ⁸ Inatawece oko Aneotedoḡoji ane iomaḡaditedice mepaa nepilidi daḡaxa mida jaḡa caticedi ee. Pida Aneotedoḡoji idiweniḡide, codaa me najigotediwa ibakedi me jatematiogi noiigi ane daḡa judeutedi, latematigo. Ejitece niginoa anele ane najigotedoḡowa Aneotedoḡoji niḡina me ḡodexoḡotege Cristo. Niḡinoa anele liciagi ḡoniliicaḡajetecidi ane caticedi niginoa ane jowoḡa. ⁹ Eleeditace Aneotedoḡoji jegaḡa nemaatediloco me jao inatawece oko moyowoḡodi ane lowoḡo meote niḡijo naga niḡe Cristo. Aneotedoḡoji yaḡaditedini niḡida lowoḡo niḡijo maleeka yoeteda niḡina iḡo, codaa minoatawece aninoa. ¹⁰ Aneotedoḡoji yaḡaditedini lowoḡo codaa niḡina natigide eotedibige me yakadi me ibake gela loiigi moiḡee lixakedi ane diḡicata maniaditibige niḡina me lowoḡo meote okanicodaagica loenatagi. Ibake loiigi me ikeetediogi lixaketedi niḡicoa niwicidi digoida ditibigimedi ane niḡenatakanaga,

codaa minoa loniciwegeco. ¹¹ Anigicatibige Aneotedoꝓoji daꝓa yoe niꝓina iiꝓo naꝓa lowoogo me ibake Goniotaꝓodi Jesus Cristo meote ane lowoogo meote, codaa lowoogo me ibake loiigi me ikee lixaketedi. ¹² Leeꝓodi me ꝓodexogotege Cristo, codaa me jinakatonaa, odaa abo ꝓodaalegena mejoꝓota lodoe Aneotedoꝓoji, codaa ajawienatakanaꝓa me najipatedoꝓowa. ¹³ Enice jipokotaꝓawatiwaji, jinagaadinajicitini leeꝓodi me jawikodeteloco niꝓida ibakedi me ꝓadaxawanitiwaji. Pida leeꝓodi me jawikode Aneotedoꝓoji ꝓadiweniꝓidenitetiwaji.

Paulo lotaa me yotaꝓaneꝓe Aneotedoꝓoji

¹⁴ Leeꝓodi Aneotedoꝓoji me ꝓadiwikodenitetiwaji ane daꝓakaami judeutedi, codaa me ꝓadateciꝓi meote mida anenitege niꝓidi anokigitece me loiigi, jamaꝓatedini yokotidi me idiniwikode lodoe, Eliodi Goniotaꝓodi Jesus Cristo. ¹⁵ Aneotedoꝓoji ja ibonaꝓateete Libonaꝓadi iditawece loiigiwepodi digoida ditibigimedi codaa me digoina iiꝓo. ¹⁶ Aneotedoꝓoji eliodi loniciwaa, daꝓaxa me ꝓoneꝓeꝓi, codaa mowidi niꝓicoa niliicaꝓajetedi digoida ditibigimedi. Enice jipokotalo meote Liwigo me yajigotaꝓawatiwaji ꝓadoniciwaa matiteteloco ꝓatiwaaꝓataneꝓeꝓi, codaa me ꝓadoniciwaaꝓatitiwaji mawii anele. ¹⁷ Jipokotalo Aneotedoꝓoji meote Cristo midioka limedi miniwa catiwedi ꝓadaaleꝓenali leeꝓodi manakatoni. Odaa niꝓina midioka limedi miniwa Cristo catiwedi ꝓadaaleꝓenali, jipokotalo Aneotedoꝓoji matitetiniwace leeꝓodi madinemaanitiwage, macataꝓa naꝓana niale

me dotetetini leegodi minoa litodi, codaa micataga diimigi ane dotetetini leegodi lipodagaladi. ¹⁸ Jigidaa ane jipokotalo Aneotedogoji matitetiniwace amaleegaga akaamitawecetiwaji codaa minatawece niginaeledi Aneotedogoji ane iomagaditedicoace me nepilidi, oyakadi moyowooḡodi Cristo meliodi me ḡodemaa. Ajakataga me jowooḡotaḡa nigica lemaanaganeḡegi Aneotedogoji, ane lica, codaa analogo daḡaxa meliodi, caticedi ane jowooḡa. ¹⁹ Jipokotalo Aneotedogoji meote mowooḡoti anodaagee me ḡademaanitetiwaji, caticedi ane jowooḡa, amanagawini inoatawece inoamakaamitaḡatiwaji niginoa Aneotedogoji ane yakadi me yajigotedaḡawa, codaa me digicata ane aniaditibige aneni me ḡadewikitema ane yemaa Aneotedogoji me eni.

²⁰ Aneotedogoji jiginiaaginiwa ane yakadi meote caticedi ane jipokaḡatibige, codaa me caticedi ane ḡodowoogo, leegodi ibake loniciwaga catiwedi ḡodaalegenali. ²¹ Enice, natigide jemaanaga Aneotedogoji loiigi midioka limedi moiwenigide, modoḡetetalo, codaa me doḡoika modoḡetetalo leegodi ijoatawece nigijoa Jesus Cristo aneote. Odaa jigidaagee. (Amém.)

4

Leeditibige me ḡodilaḡatiwage micataga niginoa liwailidi ḡodolaadi

¹ Enice ee, ane idejote niwilogonaḡaxi leegodi ane ibakeditema Goniotagodi, ḡadiladeenitecetiawaji anodaageeni me ḡadewiki,

awii liciagi ane yemaa Aneotedoꝑoji me eni niꝑijo neḡeniditedaꝑawa. ² Yemaa midioka limedi madiniwikodenitibece, makaami okaꝑegipi, codaa me daꝑakaami loidenigipi. Adinatiitiogi niꝑina oko leegodi madinemaanitiwage. ³ Adinoniciwaꝑatitiwaji me daꝑadinotigimadenitiwage, oteḡexaꝑaꝑa adinideḡeni, pida oleetibige me ḡadilakiitiwage, digo anee Aneotedoꝑoji Liwigo me ḡadilakidenitiwage. ⁴ Oniditeci noiigi ane loiigi Aneotedoꝑoji, liciagi ḡodolaadi mokiditece. Aneotedoꝑoji Liwigo oninitece, odaa okotawece inibeonaꝑatege idokida ḡonaꝑajegi, aneniditedoꝑowa Aneotedoꝑoji me najigotedoꝑowa ḡonaꝑajegi. ⁵ Oniniwatece Goniotagodi, codaa niḡaxinaḡaneḡegi aneetece ḡotiwaꝑatakanegēgi eledi onidateci, codaa niꝑijo nileḡenaḡaneḡegi eledi onijoteci, igaataḡa onijoteci ane leegodi me idinileḡenaḡa. ⁶ Odaa okotawece iniwa oniniwatece Gonoenogodi ane Godiodi. Jiḡiniaa Godacilo okotawece, codaa ḡodibake meote ane yemaa me loenatagi, codaa okotawece diḡeladetedioꝑoji.

⁷ Pida niḡida moko oninitecibeci Cristo najigotedoꝑowa ane ḡodixaketedi, ane daḡa diniciamico. Ilaḡaḡaditedoꝑoloco ḡodixaketedi ane daḡa diniciamico, anepaa yemaa me najigotedoꝑowa. ⁸ Odaa jeḡeote niꝑijo jotigide aneeta Aneotedoꝑoji lotaḡanaḡaxi, anee, “Niꝑijo noḡopitedibigimece ditibigimedi, jeḡeote nelogododipi me liwilogojedipi. Odaa ja yajigotediogi noḡetedi niꝑina eledi oko.”

⁹ Niḡina me jalomeḡenaḡateloce mo-
 pitedibigimece ditibigimedi, oḡaa ja
 jowoḡotaḡa me icoḡotibigimece ditibigimedi
 maleeḡoḡopitedibigimece. Oḡaa ja dinikatedinigi
 digoina iḡo. ¹⁰ Niḡijoa ane dinikatedini, Ijaaḡijoa
 anopitedibigimece neḡepaa miditaḡa nimedi
 ane daḡaxa me ḡoneḡegi digoida ditibigimedi.
 Joaniḡidaa leeḡodi me yakadi me yajacaḡadi
 codaa meote inoatawece aninoa anepaa yemaa
 migote. ¹¹ Ijo oko ane yajigotediogi lixakedi
 me liḡexedi, ineeḡedi oko baḡa yajigotediogi
 lixakedi moyeloḡoditedibece Aneotedoḡoji
 lowooko, ineeḡedi oko yajigotediogi lixakedi
 moyeloḡoditiogi oko inoatawece nipodaḡa
 me leeditibige moyiwaḡadi Jesus. Inatibece
 oko yajigotediogi lixakedi moyowoḡodi
 modowediteloce loiigi Goniotaḡodi, idiaaḡeḡedi
 lixakedi moiḡaxi oko meniwaḡatakanaḡa, codaa
 mowo me ili eliwaḡatakaneeḡegi. ¹² Yajigotediogi
 lixaketedi niḡina oko eotedibige niḡijo oko
 Aneotedoḡoji ane iomaḡaditedice me nigomaḡa
 modibatema Aneotedoḡoji, mowo me ili lolaadi
 Cristo, niḡijo ane loiigi. ¹³ Joaniḡidaaḡee
 icota mewi me ḡodilaḡatiwage, leeḡodi icota
 mejiwaḡataḡa idiokidiwa niḡaxinaḡaneḡeco
 anoditece ḡotiwagaḡatakaneeḡegi, codaa leeḡodi me
 iḡenaḡa me jowoḡotaḡa Lionigi Aneotedoḡoji.
 Oḡaa ja ḡodiciagi niḡina oko baanaḡa ili me
 eniwaḡatakanaḡa, aḡica daḡa ḡodaḡamalaaḡa,
 codaa anejinaḡa me ḡodewiḡa digo mijoataḡa
 Cristo.

¹⁴ Enice jinaḡalee ḡodiciagi nigaanigipawaanigi
 ane diḡicata loniciwaḡa catinedi niwatece,

niginoa ebekadi oyalaketibigeloco, codaa niocodi ane yoniciwadi yadeegiticogi ane yemaa meyaticogi. Odaa niocodi ane yoniciwadi inaaginoa ebekadi oiciaceeketege niginoa niigaxinaganegeco ane degewiteda anoditece niginoa goneleegiwadi anodoletibige moninaaletiniwace oko. Nigidiwa goneleegiwadi oibake nimawenegeco mowote oko me eyamaḡaticoace, moika nigijo niigaxinaganegegi anewi. ¹⁵ Pida leeditibige me idinemaanaḡatiwage nigina mejinaḡatece niigaxinaganegeco anewi anoditece ḡotiwaḡatakanegegi. Liciagi anee me ili inatawece ḡodolaadi, ḡodili mejiwaḡatakanaga leegodi midioka limedi me ḡodexogotege Cristo ane Godacilo. ¹⁶ Leegodi loniciwaga Cristo, ane Godacilo, nigida moko okotawece ḡodexogotiwage, ḡodiciagi niginoa ḡodiniocidi anodigotiogi niginoa liwailidi ḡodolaadi me yexogotiwage, odaa jigidaagee ḡodolaadi diba micataga dogokiditece, odaa inatawece ḡodolaadi ili. Odaa nigida moko, anoko loiigi Cristo, ḡodiciaco liwailidi ḡodolaadi ane daḡa diniciamico. Odaa leeditibige me jaxawanaḡa eletidi ḡowailidi me nilitibigimoace, nigina me idinemaanaḡatiwage.

Ica gela anejinaga me ḡodewiḡa leegodi me ḡodexogotege Cristo

¹⁷ Enice, leegodi me ḡodexogotege Goniotagodi ane idiḡe, ejitaḡawatiwaji, codaa ḡadibodicaxini. Jinaḡalee domiḡikani aneni me ḡadewiki daḡa liciagi anodaagee lewiḡa nigijo oko ane dogoyowoḡoditeda Aneotedoḡoji. Niginoa lowooko nigidi oko aḡica jaḡate. ¹⁸ Codaa

niginoa lowooko micataga daga ideite nexocaga, codaa me leegitalo Aneotedoꝑoji moyototedice, odaa ayajigotediogi gela lewiga. Nigidi oko ayakadi daga newigatace leegodi agoyowoꝑodi Aneotedoꝑoji, codaa leegodi moyakakagadi laalegenali. ¹⁹ Nigidi oko agaleeꝑoniboliꝑatece libeyaceꝑeco, pida ja dinajigotibigiwaji mowote inoatawece ane napioi, codaa moilidaꝑaditibige me loomatewa okanicodaagica oko.

²⁰ Pida akaamitiwaji aleegodi mawiite niginoa ane beyagi oditaga joꝑowoꝑoti Cristo. ²¹ Pida leegodi mewi majipaata moditece anodaageeteda. Odaa Jesus ja niige liotaka metigadiigaxinitece niigaxinaganegeco anoditece anewi. ²² Enice ikanitiwaji nigijo jotigide aneni me gadewiki, nigijo aneni gadaaꝑatitiwaji leegotedi galidaꝑatakanegeco ane beyagi. ²³ Odaa ikani Aneotedoꝑoji midioka limedi meote geladi gadowooko, codaa me gela gadaalegena. ²⁴ Micataga nigina oko me dinixotinigilo geladi lowoodi, akaamitiwaji adinixomitinigi gela aneni me gadewiki. Aneotedoꝑoji eote nigida gela aneni me gadewiki digo mijoataga. Odaa nigina madinixomitinigi nigida gela aneni me gadewiki, jigikeenitiwaji gela aneni me gadewiki leegodi midioka limedi mawii ane iꝑenaga, odaa ewi me gadewikitema iniokiniwateda Aneotedoꝑoji.

²⁵ Enice, jinagaleeꝑawitakatiwaji. Pida akaamitawece leeditibige me enita ganioxoa inokina anewi, igaataga okotawece oko dinoiigiwepodi digo minoataga niginoa liwailidi godolaadi midiokidi godolaadi anoyexogoteloco.

²⁶ Niḡina midatecibece me eliḡidee, jiniḡikani ḡadelaḡa deḡeo mawii ane beyaḡi. Codaa jineḡeliḡidee idatawece noko. ²⁷ Odaa jigiḡaaḡeni me diḡikani ḡodaxakawa me ḡadiboloiteeni meote mawii ane beyaḡi. ²⁸ Niḡijo anijo moliceḡeḡi, jinaḡaleeḡolice, pida abakeni ḡabaḡatedi mabaa manigaanyetece dinyeelo ane yapidi. Odaa jaḡakati maxawani niḡina aninoa laḡalanaga.

²⁹ Jinaḡawii ḡaḡeḡi ane beyaḡi, ane ibeyacaḡadi eledi oko. Pida inoka enitece notaḡa anele ane yaxawa eledi oko me ili eliwaḡatakaneeḡeḡi, ane leeditibige mowajipata. Odaa jigiḡaaḡee Aneotedoḡoji me yakadi me ibake ḡadotaḡa meote anele ane yemaa meotetema niḡina anowajipatalo ḡadotaḡatiwaji. ³⁰ Codaa jinaḡawii Liwigo Aneotedoḡoji me agecaḡalo. Igaataḡa Aneotedoḡoji yajigotedaḡawa Liwigo eotedibige me ikee me ḡadiomagatitedicoace makaami epoka nepiliditeda, codaa me ikee me ḡadoteteni nigepaaḡicota noko meote me ḡadiwokoni ḡabeyaceḡeco nigepaa ḡanigicatibige. ³¹ Jinaḡaleeḡikani daḡa abeyaceḡe ḡadaaleḡenali, jinaḡaleeḡoteteni ḡadelaḡatema eledi oko, oteḡexaaḡaḡa eliḡidee. Jinaḡapaaweni eledi oko, jinaḡa iwoo eledi oko, codaa jinaḡalee beyaḡi mowootibige eledi oko. ³² Pida awii makaami eletema eledi oko, codaa me iwikodeni. Ikani mepaa ixomaḡatijo ane beyaḡi anowotaḡadomi, anee Aneotedoḡoji me ixomaḡateetedice ḡadoenataka ane beyaḡi leeḡodi Cristo me yeletedaḡadomi.

5

Anodaagee lewiḡa lionigipi Aneotedoḡoji

¹ Akaamitiwaji anakaami lionigipi, lemaanigipi Aneotedoḡoji. Awii digo miniwataga anee.

² Inoatawece ane ḡadoenatakatiwaji, awii leeḡodi madinemaanitiwage, digo mijoataga Cristo anee. Leeḡodi me ḡodema, oada ja yeletedoḡodomi. Dinajigote Aneotedoḡoji micataga daga noḡeedi ane yocaganee, liciagi niḡijo jotigide loiigi Aneotedoḡoji moyajigotalo noḡetedi aneletege lanigi, codaa eijedi moyalegi owotibige Aneotedoḡoji me ixomagateedice libeyaceḡeco.

³ Niḡida makaamitiwaji, akaami noiigi ane iomaḡaditedice Aneotedoḡoji mepoka nepiliditeda. Joanigidaa leeḡodi, jinigitineḡeni ane daga ḡadodawa, codaa jinogowoo niḡinoa ḡadowooko ane napioi, oteḡexaagaga anoceetema ane nebi eledi oko. Oteḡexaagaga otaḡanitibige eledi oko, codaa oteḡexaagaga ḡadalakitibige niḡinoa ane beyagi niḡina motaḡanitiwaji.

⁴ Jineḡenitece notaga ane napioi, jinagawii ḡadatematiko ane nini codaa me napioi, oteḡexaagaga otaḡani me liciagi niḡina oko yetoliwaga, igaataga agotaga iḡenaga loiigi Aneotedoḡoji diḡidaagee me notaganaga. Pida leeditibige midioka limedi maniotagodeetalo Aneotedoḡoji, leeḡodi me najigotedoḡowa niḡida gela ḡodewiḡa. ⁵ Igaataga ele me jowoogotaga Aneotedoḡoji me daga dibatetege niḡina oko ane loomatewa okanicodaaḡica eledi oko, codaa niḡina oko ane yowo inokina ane napioi,

inaagina oko ane nocetema ane nebieledi oko. Niagina oko oceegegi liciagi niagina oko ane dagatalo niwicidi. Odaa jowoogotaga Aneotedogoji me daga ikatediobece nigidi oko me dakatiobece miniwataga, midioka limedi meite lodoe, otegexaagaga me Cristo lodoe, aneite lionigipi modibatege icoatawece Aneotedogoji ane lagajeditetege.

⁶ Jinigikanitiwaji digica ane gadinaaleni, niagina aneetece notaga ane digica ane jaogate. Igaataga Aneotedogoji yelatetema codaa me iloikatidi niagina oko ane dogoyiwaagaditeda, codaa anowote niginoa ane beyagi baanegejinagatece. ⁷ Enice, jinagawanitege niagina oko ane dogoyiwaagaditeda Aneotedogoji.

⁸ Igaataga nigijo jotigide adeonitewaji nexocaga leegodi nibeyacaga ane nexocagadi gadaalegenali. Pida natigide Goniotagodi ja yajigotedagawatiwaji nilokokena, nigijoa latematiko, leegodi me gadexocitege. Enice adeegi gadewiga me ikee mani nilokokena Aneotedogoji catiwedi gadaalegenali. ⁹ Igaataga niagina oko anani nilokokena Aneotedogoji minitaga, nigini oko eote inoatawece aneletemaeledi oko, codaa inoatawece aneote igenaga, codaa ainaaleeledi oko. ¹⁰ Oleetibige mowoogotitiwaji nigica ane yocaganee Goniotagodi.

¹¹ Jinagawanitege loenataka niagina oko ane idei nexocaga. Niginoa loenataka agica jaogate. Pida abakeni ganilokokenatiwaji mikeenita me beyagi loenataka niagina oko ane idei nexocaga. ¹² Igaataga godiboliaga, digidioka limedi mejinagatece loenataka ane beyagi niagina oko

anoyagaaditedi mowote. ¹³ Pida lokokena ikee inoatawece anele, inaaginoa ane beyagi, niḡina me jadeegaḡata manitaḡa lokokena. Igaataḡa ane ikee anodaageeteda niḡinoa ganicinoa, aniaagani lokokena. ¹⁴ Joanigidaa leegodi niḡijo ligegi Goniotaḡodi, anee,

“Aniwoti,

akaami ane iote!

Codaa akaami adabititini ane awanitege émaḡaḡa!
Odaa nilokokena Cristo ja nalotaḡaloco.”

¹⁵ Enice adowetiteloco anodaageni me ḡadewiki. Jinaḡa ḡadiciagi niḡina oko ane diḡicata lixakedi, pida abakeni ḡadixakedi Aneotedoḡoji ane yajigotedaḡawa me ḡadewikitema.

¹⁶ Oleetibige minoatawece ḡanokododi ikeeni ane yemaa Goniotaḡodi, igaataḡa niḡinoa nokododi niḡina oko owote owidi ane beyagi. ¹⁷ Enice jinaḡa ḡadiciagi niḡina oko yetoliwaḡa, pida oleetibige mowoḡoti niḡica ane yemaa Goniotaḡodi mawiitiwaji.

¹⁸ Jinaḡacipeta viinyo daḡa adinemakatiti, igaataḡa ḡadibeyacaḡatitiwaji. Pida ikani Liwigo Aneotedoḡoji me ḡadajacaḡati.

¹⁹ Adinotaḡanegenitiwage madinaxawani mawii me ili ḡatiwaḡatakaneeḡegi, abakeni lotaḡa Elaco Davi aniwotelogo Aneotedoḡoji lotaḡanaḡaxi, codaa abakeni eletidi Enaco, aniwotelogo Aneotedoḡoji lotaḡanaḡaxi. Odaa niḡina me agaani niḡinoa Enaco, agaani manitawece ḡadaalegena moḡeetetalo Aneotedoḡoji. ²⁰ Idioka limedi maniotagaḡeetalo Aneotedoḡoji ane Godiodi leegodi inoatawece ane yoetedoḡodomi.

Niḡina maniotagodeetalo, abakeni naḡatetigi Liboonaḡadi Goniotaḡodi Jesus Cristo.

Anodaa leeditibige miniḡata ḡododawa

²¹ Ele midioka limesi me eemiteetibige eledi oko leeḡodi me eemiteetigi Cristo.

²² Akaami iwaalepodi, iwaḡati ḡadodawadi, digo anemiitalo Goniotaḡodi me iwaḡati.

²³ Iḡaataḡa niḡina ḡoneleegiwa jiḡiniaa lacilo naḡana lodawa, oḡaa joaniḡidaa leeḡodi mida liiḡenatakaneeḡiteloco, liciagi Cristo me lacilo loiigi, oḡaa niḡinoa liiḡenatakaneeḡitedoḡoloco. Jiḡiniaaḡiniwa ane Newikatitoḡodi loiigi, ane liciagi epaa lolaadi. ²⁴ Enice, digo minataḡa loiigi Cristo moyiwaḡadi, oḡaa jiḡidaaḡee iwaalepodi me leeditibige moyiwaḡadi inoatawece ane liiḡenatakaneeḡeco niḡina lodawa.

²⁵ Akaami ḡoneleegiwaḡadi leeditibige memaani ḡadodawa, digo mijoataḡa Cristo me yemaa loiigi, codaa me dinajigo me yeletedoḡodomi.

²⁶ Cristo dinajigo me yeletedeloco ḡobeyaceḡeco eotedibige me yakadi me iomaḡaditedice loiigi anepoka nebiteda, codaa me iwilegitetema loiigi inoatawece ane beyagi. Niḡina meote niḡida loenataḡi, ibake lotaḡa me yawalaceteteḡe loiigi ane beyagi, oḡaa ja iḡe niḡina oko me dinileḡetibigiwaji moikee naḡa iwilegitetema libeyaceḡeco laaleḡenali. ²⁷ Joaniḡidaa aneote, meote mepaa nebi, niḡidi noiigi aḡalee laaḡetedipi, ane yakadi miniokiniwateda me nebi. Yemaa meote niḡidi loiigi macataḡa awicije libiniena baanaḡa nibeoteḡe me wado, analeediḡica liwakapaḡajegi lolaadi,

otegeaagaaga gaantokaagidi eledi libeyacaagajegi. ²⁸ Odaa jigidaagee niginoa goneleegiwadi me leeditibige moyemaa naana lodawa digo anee moyemaa epaa lolaadi. Nigina ane yemaa lodawa iniaagini epaa dinemaa. ²⁹ Agica ini oko ane daga yemaa epaa lolaadi. Pida inatawece oko niodaga modowediteloco epaa lolaadi, digo miniwataga Cristo me doweditedeloco nigina loigi ane iomagaditedice. ³⁰ Doweditedeloco leegodi moko micoataga niginoa liwailidi lolaadi Cristo. ³¹ Mee Aneotedojoji lotaganagaxi, “Goneleegiwa ika eliodi, eliodo, odaa ja dinixigitege naana lodawa. Odaa nigidi iniwataale micataga dogokinitece oko.” ³² Nigidiwa notaga ida ane niitigi codaa nigina anida ane jaoga. Nigidiwa notaga oiikee Cristo idiaa loigi me liciagi goneleegiwa aniaa lodawa, leegodi me micataga dogokinitece oko. ³³ Pida ejitacaawatiwaji. Inoatawece goneleegiwadi leeditibige moyemaa lodawa digo anee mepaa dinemaa. Codaa inatawece iwaalepodi leeditibige me deemitetibige lodawa.

6

Nionigipi inaaeniododipi

¹ Anakaami nionigipi, leeditibige me iwagati gadiododipi, leegodi me gadexocitege Goniotagodi. Codaa jigidaa ane igenaga mawiitiwaji. ²⁻³ Ijo liigenatakanegegi Aneotedojoji anee, “Eemiteetibige gadiodi, codaa me gadiodo.” Codaa eleditace mee Aneotedojoji, “Amaleegaga inoatawece eletagadomi, codaa mowidi nokododi me gadewikeloco nigina iigo.”

Niḡijo Aneotedoḡoji naḡa diiḡenataka me leeditibige me jeemiteeḡatibige ḡodiododipi, niḡida liiḡenatakaneeḡegi jiḡidaa odoeḡegi leeḡodi Aneotedoḡoji me liḡegi meote aneletema niḡina anoyotete niḡida liiḡenatakaneeḡegi.

⁴ Akaamitiwaji anakaami eniododipi, jinaḡaliidaḡati ḡadionigipi mawiitibige me neligideeḡa. Pida niḡina maliidaḡati ḡadionigipi, leeditibige mele madowetiteloco, iigaxini, codaa maladeeni anodaḡee Goniotagodi me ḡodiiḡaxi.

Niotagipi inaḡinoa niotagododi

⁵ Akaamitiwaji anakaami niotagipi, iwaḡati ḡaniotagodepodi digoina iigoo. Eemiteetibige codaa me adoiiitigi, codaa catiwedi ḡadaaleḡenali emaanitibige mawii inoatawece anoiḡetedaḡawa, micataḡa daḡa Cristo niḡini ane iwaḡati. ⁶ Jiniiḡinoka awii anoiḡetaḡawa niḡina metiḡadiwini, jinaḡawii liciagi niḡina ane doletibige midokida me docaḡatiogi oko. Pida idioka limedi me iwaḡatakani, icaḡica nige diḡica ane igoaditaḡawa, anee niḡinoa liotaka Cristo, me dinoniciwaḡaditibigiwaji mowote ane yemaa Aneotedoḡoji. ⁷ Aniniitibecitiwaji niḡina mabaa micataḡa daḡabaatema Goniotagodi, idiḡida aḡabaatema ḡoneleegiwa. ⁸ Analakitibigeti waji Goniotagodi micota me yedia loojedi niḡijo libakedi anele aneote niḡijo oko, icaḡica nige niotagi, oḡoa domige otagodi.

⁹ Akaamitiwaji anakaami otagodepodi, oenitibigo ḡaotagipi idokidata anemiitigi, codaa jinaḡa adoenitibigo. Pida analakitibige miniwa Goniotagodi makaamitaḡatiwaji,

aniniaaguniwa Niotagodi niḡinoa gaotaka, ane ideite ditibigimedi. Goniotagodi aḡica lilicotagi, inatawece oko idokida anigotediogi.

Ane najigotedogowa Aneotedoḡoji me ḡodotetetema ḡodaxakawa

¹⁰ Inioxoadipi, jiditedini niḡinoa owidijedi yotaḡa. Leeditibige madinoniciwaḡatiteloco ḡatiwaḡatakanegēgi leegodi me ḡadexocitege Goniotagodi, oḡaa ja yajigotedaḡawa eliodi nimawenegēgi. ¹¹ Abaatege icatawece niḡica ane najigotedogowa Aneotedoḡoji ane ḡodotetetema diaabo ane ḡodaxakawa. Niḡina me jibakenaḡa Aneotedoḡoji ane najigotedogowa me jotetaḡatini, oḡaa jakataḡa me jatitaḡatini niḡina diaabo me ibake nimawenegēco micaaniḡigotoḡowa. ¹² Iḡaataḡa ajidelegenaga oko anepaga jakataḡa me jinataḡa, aninoa libole codaa me lawodi. Pida jidelegenaga lacilodi niwicidi abeyacaḡaga, aninoa notoetico, codaa me niḡinoa lacilodi niwicidi abeyacaḡaga anonadeegita nexocaga niḡina okotigi niḡina iḡo. Jidelegenaga inoatawece ane niwicidi abeyacaḡaga inoatawece ane nipodaḡa digoina natinedi iḡoteloco. ¹³ Enice, abaatege icatawece niḡica Aneotedoḡoji ane najigotedogowa me ḡonajo me daḡa ḡodakadi ane beyagi. Oḡaa joaniḡidaa me jakataḡa me jiboḡatege ane beyagi aniḡida noko minoa ane beyagi, nige icaaniḡigotoḡowa ḡodaxakawa. Oḡaa nige ixomaḡatijo me jidelaḡa, idokee me jatitaḡateloco ḡotiwaḡatakanegēgi, ainojicenaḡa.

¹⁴ Enice, leeditibige me ḡadigomitiwaji. Micataḡa niḡina iodaḡawa me dinixotinigilo

lowoodi me dinowedi, jigidaagee me adinixomitiwaji. Niḡina motaḡanitiwaji codaa mowoo niḡina anewi, odaa niḡina anewi micataḡa daḡa ḡanigoenaḡadi. Niḡida anee ḡadewiḡa me iḡenaḡa, micataḡa daḡa naḡana noecaḡaxi iodaḡawa elipogo ewacogo me dinowedi. ¹⁵ Niḡinoa nibodicetedi anele anetiḡodiḡaxitece anodaagee Aneotedoḡoji me yakadi meote mele laaleḡenali oko, niḡinoa nibodicetedi anele micataḡa daḡa niḡinoa ḡawelatedi anele. Niḡina me ḡadigomitiwaji memii atematiitedibece nibodicetedi anele, odaa ja micataḡa daantaḡa adinixomitinigilo niḡidiwa ḡawelatedi. ¹⁶ Codaa ele midioka limedi mabakeni ḡatiwaḡatakaneeḡeḡi me ḡadotetenitema okanicodaagee anigotaḡawa ḡodaxakawa me dineetaḡawa. ḡatiwaḡatakaneeḡeḡi micataḡa daḡa niḡina loligoḡeḡi iodaḡawa, ane yoliteḡe nopitenali ane ḡodaleḡi. ¹⁷ Niḡina gela ḡodewiḡa ḡodotete liciḡi lamakaladi iodaḡawa me yotete lacilo. Odaa lotaḡa Aneotedoḡoji oiciaceekeḡeḡe iodaḡawa lodaajo-ocaḡataḡa. Aneotedoḡoji Liwigo najigotedoḡowa lotaḡa eotibige me idinagakatitaḡatalo, codaa me jigekenaa ḡodaxakawa. ¹⁸ Ele midioka limedi motaḡaneeḡeni Aneotedoḡoji, odaa niḡina motaḡaneeḡeni, idioka limedi mikani Aneotedoḡoji Liwigo me ḡadaxawanitiwaji motaḡaneeḡeni, codaa mipokitalo. Niḡina motaḡaneeḡeni Aneotedoḡoji, adinowetitiwaji ade dinelio ḡatiwaḡatakaneeḡeḡi, pida ipokiteloco inatawece loiḡi Aneotedoḡoji.

¹⁹ Eleditace niḡina motaḡaneeḡeni Aneotedoḡoji, eemodeledi ipokitiloco, amanagawini

Aneotedoꝑoji nikeetediwa anejatigi igegi, codaa meote mabo yaalegena me jotaꝑa. Odaa jiꝑidaa me jakadi me jelogodi nibodicededi anele ane dogoyowoogoditeda niꝑijo oko niꝑijo jotigide, pida natigide Aneotedoꝑoji ja nikeetedoꝑowa.
²⁰ Aneotedoꝑoji eote me ee liiꝑexegi minataꝑa eledi noiigi me jelogoditedibece nibodicededi anele, odaa leegodi me jelogoditibece niꝑida natematigo, ite ee ina ja idinigoetini catiwedi niwilogonaꝑaxi. Pida ipokitalo Aneotedoꝑoji meote mabo yaalegena me jelogoditedibece latematiko ane leeditibige mejigotalo me jatemati.

Owidijedi Paulo lotaꝑa me yecoaditibige Efeſiotedi

²¹ Natigide, jiꝑicaaꝑica Tíꝑuico jaꝑaꝑa yadeegitaꝑawatiwaji inoatawece ꝑabodigitibigiji. Tíꝑuico ꝑonioxoꝑa ꝑodemaanigi, codaa jakataꝑa me jinakatonꝑa niꝑina me ꝑodaxawatece ꝑobakedi ane najigotedoꝑowa Goniotaꝑodi. Yatematitedaꝑawa inoatawece ane jixomaꝑateenaꝑatedice digoina ane-jonaꝑa.
²² Joaniꝑidaa leegodi me jiꝑe migo makaamitaꝑatiwaji, amaleeꝑaꝑa owoꝑoti anodaꝑeꝑinaꝑa, amanagaꝑawini abo ꝑadaalegenalitiwaji, me daꝑa akaami agecaꝑalodipi.

²³ Jemaa Aneotedoꝑoji, Godiodi, codaa me Goniotaꝑodi Jesus Cristo mowo mele laalegenali iditawece ꝑonioxoꝑadipi, codaa mowo miditawece dinemaatiwage, codaa midioka limedi monakato Aneotedoꝑoji.
²⁴ Eledi jemaa Aneotedoꝑoji meliodi meletetema inatawece niꝑina anidioka

limedi moyemaa Goniotagodi Jesus Cristo,
agokowo moyemaa.

Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 13 Jul 2024 from source files
dated 29 Jan 2022
7128a549-e957-5460-8c56-0f5281edf264